


# 庶物類纂


水屬  
自三十二至三十三


家

太政官文庫			
特別	和書	門	
三二	三六	二	
第	五	番	
四	六	五	
册	架	函	號

内閣文庫	
番號	和 32362
册數	465 (106)
函號	54 1







庶物

類纂水屬卷之三十二目次

井水


水飲

新汲水


井華水


事物類纂

水屬目次



井水





井水

邑有武塲制也斯邑之制廢已久矣余自隆慶壬申  
備官于茲農隙講武恒以塲廢為歉心欲為之猶以  
改作古人之所慎重故魯論止長府之為春秋譏洙  
水冬浚况夫新民值兩京八省之衝夫廩供億歲幾  
萬計勞民傷財奚忍為武塲哉越明年癸酉上命司  
馬閱兵郡城時余以郡屬典兵聳觀師次垣壁亭臺  
井竈靡不備竊歎邑獨缺焉遂果為之乃環以牆隨  
列以柳計百餘株北建廳在右有舍傍有井亭旗墩

前有門方經始需水謀掘井或告曰地鹵水鹹其勿  
掘余曰是棄井也古不有井井者乎遂掘得泉勺而  
飲之耳乃祝曰某為吏固不能良然亦弗敢酷是役  
也雖用民與財而亦不忍勞與禍也凡築樹木石攻  
鑿之需取諸罹法而顧贖者計所費亦甚若夫假公  
而肆科罔上以行私則仰視有天俯察有水耳因揭  
水而賦以辭

辭曰考太極之始判兮乃兩儀之攸立生天一而成  
地二分水為五行之一周流兩間而無所不在兮必

穴地而始出乃今朝之奮志兮踰九仞以極力果有  
為以及泉兮信成功于用汲嗚乎時斃兮毋塗泥慎  
注兮毋射射上行兮毋窺漏收之毋幕兮有孚元吉

明戴蘭武場掘井  
記○新城縣志

縣南門火星廟前舊有井品劣且枯竭已久汲者不  
顧榆園賊退之次日井水忽湧出凡有數泉沸溢其  
洌異常色味為城中諸井第一通邑利賴之當水初  
溢時人競焚香取以洗眼或取浴謂可療風疾云  
志

萬曆三十年冬大火日數十舉延燒數千家文昌五顯廟俱燼觀中一井道士某藏錢沉井中越二日師徒入井取之俱斃市少年謝姓者索錢一千入井取屍復隨不出眾道士掘井發之則身已糜矣因埋塞之嘗考冬月陽氣下伏火後勢焰未盡故尔愚民不知惜哉

零陵縣志

伏魔廟一在東門月城內一在西門月城內西城者井在廟南有琉璃井相傳嘉靖時居民夜起見井中火光視之遽滅及旦見甃融其半晶熒若琉璃

商縣志

暗井古跡堙沒獲東坡始浚出今在縣學後

湖廣總志

魯哀公使人穿井三月不得泉得一玉羊哀公甚懼

問於孔子對曰聞水之精為玉土之精為羊此羊肝

乃土耳其哀公便入殺羊其肝即土見韓詩外傳

哀州府志

兩淋在兩淋崖下相傳其井深絕至今隱見不常禱

兩輒應

廬州府志

石幢在華亭縣前相傳地有湧泉云是海眼大中十

三年立幢鎮之或傳嘉興楞嚴寺祖僧塔歌枕手鏡

云松最近海故平地類多有海眼城之西南隅八角

井相傳此井是地竅禱雨時以鐵牌繫奠下井中不三日渙者得之白龍潭此海眼也華亭縣前石幢相傳其下是海眼故以此鎮塞之上海縣浦東陸儼山袒居前亦有海眼晝夜泡起不息是山中泉脉儼山少時斃石為方池至今猶存凡海眼處必地似空洞久或有崩陷之患山中泉脉自是水源與此不同也

松江府志

縣南夏氏欲穿井術者謂門內外數尺間皆吉疑而卜之東門陳氏視兆訖曰異哉內外皆有井內井有

寶王氣沒時須慎之既穿三尺許有石板其下乃驚

驚井門內者有古壺器數百枚松江府志

周延陵李子廟舊有湧井井北忽有金石聲掘深二尺得泝泉中得木簡長一尺廣一寸二分其字文隱起有曰廬山道士張陵再井謂水堅而白字色黃赤

延陵令戴景度以聞見酉陽雜俎金檀縣志

鉄井在鉄佛寺明正統間泉忽湧得汲器有鉄樹宮字相傳并通南昌武昌府志

虹井縣治南今在文公闕里右朱公韋齋生時井中



白氣見松嘗為井銘曰道寓斯人如水在地汲之益深有味外味松子熹生時井中紫氣見後人號曰韋齊井明正統知縣陳斌作亭覆之扁曰虹井亭邑人汪敬有記婺源縣志

龍井在五顯廟深數丈傳云其下有龍時吐氣如雲八景所謂龍井曉雲同上

神井着紫山有乘騎者至此汲水飲馬人止之不從馬立仆湖廣總志

泉井在縣西四十五里發源甚遠深可五六尺每秋

成多有批足自底而出經旱不竭近為一婦浣穢衣其中水經月渾不可汲居人設香醴祭之復清如初天台山方外志

機謹按天台縣志足作穀

虎丘山寺立塔掘墓得一舍利空中天樂眾皆聞之井吼三日法苑珠林姑蘇志


雪井在虞山乾元宮宋中元道攝庵以居山崩無水一日大雪惟山坳不積浚之得羨泉因名初元道未作庵時嘗受其師語云無雪則開後既悟而開井同上

耳泉井在徐府街洪武末河水入城水皆鹹苦飲之者多感瀉痢之疾永樂癸未夏魏國公徐達宅後忽涌一泉色潔味甘甲于汴中教授滕碩有記汴京遺蹟志御茶園通仙井歲修貢事國朝著令貢有定額九百斤有先春探春次春三品視北苑為粗而氣味過之每歲驚蟄有司率所屬於臺上致祭畢令衆役鳴金擊鼓揚聲同喊曰茶發芽而井泉旋即漸滿耳洎以此製茶異於常品造茶畢泉亦漸縮張道暹飲其泉曰不獨其茶之美亦水之力也故名通仙谷呼來泉

自後茶貢絕免悉皆荒廢武夷山志

金井山在縣北二十里山頂有石高可三丈上有井圓十餘丈深七寸許有水常滿旱不涸色如黃金世傳有一金色魚業五色雲從天而下游泳其中以此名其山因創寺名梵魚東國輿地勝覽

蕪泉井湘鄉縣郭內水香氣如椒蘭釀酒殊勝合他水則變南齊時有水貢以病民罷之立浮屠于上後江水崩潰失井所末乾道間邑宰黃良輔改鑿于崑崙橋右蓋不泯其跡云長沙府志



安丘南八十里漢城陽國亦曰龍臺城城內有臺高六丈臺下有井與荆水通失物於井或於荆水得之有神龍出入其中故曰龍臺元于思容齊乘漆井在州治後純漆渠成清徹可餐世傳為春中君宅其井至今千餘年不壞光州志緜珠姓梁氏博白緜羅村人生而端麗石崇為採訪使遺交趾回道博以珍珠三斛買之梁氏之居舊井存焉耆老云汲飲此井者誕女必多美里閭以美色無益於是以前石填之考晉書石崇只仕湖湘不曾

為採訪使豈以縣有緜羅山緜珠江而後人傳會之耶廣西通志百丈山又名百丈巖在啟伏里與慶元界舊志馬仙女於此上昇峭壁有馬蹄剪尺遺痕巔有三聖井石缸宛若陶成湧泉清冽不容一物昔傳馬氏三女浣濯於此鄉人禱雨不應以水石銅鐵投之水立湧出雷雨時至有龍湫鏡臺諸蹟松溪縣志龜泉井在治城西寶界寺一統志云掘井及泉下有石龜雙目中出沫張九成寓寺中品泉味亟稱之南安

府志

高井縣東六十里山麓盤石下鑿深三丈餘泉自石罅中涌出芳潔異常以在高阜故名高淳縣志

異井當塗城南三十里有古井在大澤中甚深汲者用綆二十餘尺當春夏水盛時澤水幾浸沒其床而內水之深如故太平府志

銅井在城內陽坡下汲之聲響如鐘寧國縣志

郡國志曰禹城有晏嬰井以水和膠入藥垂於東阿

淵鑑類函

陳留風俗曰雍丘縣夏后公祠有神井能興霧淵鑑

類函

聞見後錄云洛陽楚氏掘井每不得泉有術者云夜以水盛器若見星多者下有泉用之果然同上

釋名曰井清也泉之清潔者也

易傳云井通也物所通用也

說文云八家為井象構幹形甕象也

風俗通云井者法也節也言法制居人令節其飲食無窮竭也久不涸滌為井泥易井泥不食不停汚曰井澌

易井渫不食渫治也去汚穢之名也 滌井曰浚井水清曰冽井甃聚磚修井也 甃責救及易井甃无咎

伍輯之從征記曰泰山有上中下三廟廟前有大井

水極香冷異於凡水不知何代所掘 淵鑑類函

壽陽記曰三伏之日炎暑赫曦男女往來氣喘苦渴望見義井而喜未至則憂既至而樂倍呼為歡樂井

同上

古人服藥必擇水火故凡湯液多用新汲井華水取

天真之氣浮於水面也 清張路玉水經逢原

酉陽雜俎云凡冢井間氣秋夏多殺人先以鷄毛試之直下無毒迴舞而下者不可犯以泔數斗洗之方可入 清來元成博學彙書

馬氏曰抄云正統己巳春北京崇文門外打磨廠西

軍人王勝家井中有五色氣起予一日早往觀之日

高三丈餘隔井向日視之果有青紅綠氣勃勃上騰

觀者不絕日至已位即無明日復然本家不敢汲水

將二十餘日乃滅隨後即有土水之禍 同上

清井在長寧縣治北泉有二脉一鹹一冷取以煎鹽

塞其一則皆不流又謂之雌雄井上同

崇寧一大井以片石開二竅累其上一竅汲以造錫

一竅汲以為染若易竅汲之皆不能成其用上同

井釋名清也泉潔清者也又浪井灌嬰所開溢江有

風浪井水輒動李白詩浪動灌嬰井又荊州記江陵

縣有天井臺東臨天井周二里許中有潛室人時

見之輒有兵革又有風井夏則風出冬則風入又漢

書蜀多鹽井羅褒以鹽井富又後漢書聊那有冰井

冰厚丈餘又廣志臨邛有粉井得水汰粉則益光又

高高記少室山有雲母井出雲母又異苑云句容縣

延陵季子廟前有井水常自沸名沸井又山海經帝

囷山有天井註亢地水出不事穿掘也又水經火山

有火井左思蜀都賦火井沈熒于幽泉高煇飛煽于

天塋註井在臨邛縣以家火投井中須臾如雷聲煇

出用筒盛接有光無灰又風俗通井不滯汚曰滌井

水清曰冽井又韓愈原道坐井而觀天曰天小非天

小也彼其所見者小也說文沿世本謂伯益作井汲

冢周書謂黃帝作井梅井非自益始說文誤清廖文

通

試井。○凡家井，閉氣秋夏中之殺人，先以雞毛投之，直下無毒，迴舞而下，不可犯。當以醋數斗澆之，方可入。凡井水沸溢，不可飲。于三十步內取青石一塊，投之即止。又平明望氣，所出掘之得泉，或以燈懸坎中，亦辨水氣。地中多空隙，有風射掘者當之病。暄曰：此氣毒同為一類，今壘家乃修築動土犯之，或病或死，亦此故耳。惟常治者及不畏。○清方以智物理小識

水飲

庶物類纂 水屬 水飲

水飲

珠崖一州其地無泉民不作井皆仰樹汁為用唐段

酉陽雜津逮秘書

酉陽雜俎云朱崖有一島民苦無井海水鹹不可飲

取草木汁飲之故名水飲川淵鑑類函

酉陽雜俎朱崖境內有一島居民其地無井泉海

水特鹹取草木汁飲之號水飲廣東通志



蘇物類考 卷之三

新汲水

倍名 孤<sup>ソ</sup>迷<sup>ミ</sup>搭<sup>ツ</sup>德<sup>テ</sup>那<sup>ノ</sup>迷<sup>ミ</sup>紫<sup>ツ</sup>

蘇物類考 卷之三

水屬

新汲水



新汲水

井水新汲即用利人療病平且第一汲者為井華水又與諸水不同凡井水有遠從地脈來者為上有從近處江河中滲來者欠佳又城市人家稠密溝渠污水雜入井中成醱用須煎滾停頃一時候醱下墜取上面清水用之否則氣味俱惡而煎茶釀酒作豆膏三事尤不堪也又雨後其水渾濁須插桃杏仁連汁投入水中攪勻水時則渾濁墜底矣易曰井泥不食

謹之  
食物本草曰明  
胡文煥延壽書

庶物類考

凡新汲水必有塵垢先淨洗一青石置瓮中然後下  
水塵垢皆聚於石上水不復濁三兩日一洗瓮石依  
前安石若江水井水已濁便要吃時研杏仁少許澆  
瓮中以杖攪十數匝移時水自清林泉備用○明周  
守中養生類纂○  
明胡文煥  
延壽書  
晦翁中鳥喙毒頭岑岑漸煩憊徧體皆黑幾至危殆  
深山中又無醫藥因思漢質帝得水可活之言汲新  
水連飲之大嘔而解此神明所祐亦平日精力完固  
之驗也明朱國禎  
清幢小品

井華水

倍名盍煞那孤迷搭德那迷紫

系物類考

水屬

井華水

井華水

穎曰井水新汲療病利人平且第一汲為井華水其  
 功極廣又與諸水不同凡井水有遠從地脉來者為  
 上有從近處江湖滲來者次之其城市近溝渠污水  
 雜入者成鹼用須煎滾停一時候鹼渣乃用之否則  
 氣味俱惡不堪入藥食茶酒也雨後水渾須擻入桃  
 杏仁澄之明李東璧本草綱目  
 將且首汲曰井華夫一井之水而功用不同豈可烹  
 煮之間將行藥勢獨不擇夫水哉同上

庶物類纂水屬卷之三十三目次

玉井水

温井

酒井

氷井

粉井

浪井

天井

雲井

風井  
嚮井  
沸井  
九井  
海井

風井

嚮井

沸井

九井

海井


玉井水

燕物類集

水屬

玉井水

二



玉井水

諸有玉處山谷水泉皆是也山有玉而草木潤身有玉而毛髮黑玉既重寶水又靈長故有延生之望今人近山多壽者豈非玉石津液之功乎太華山有玉水溜下土人得服之多長生

唐陳藏器本草拾遺

玉井水味甘平無毒久服神仙令人體潤毛髮不白出諸有玉處山谷水泉皆有猶潤於草木何況於人乎夫人有髮毛如山之草木故山有玉而草木潤身有玉而毛髮黑異類云崑崙山有一石柱柱上露盤

盤上有玉水，溜下土，人得一合服之，與天地同年。又太華山有玉水，人得服之，長生。玉既重寶，水又靈長，故能延生之望。今人近山多壽者，豈非玉石之津乎？故引水為證。陳藏器餘○宋唐慎微證類本草


玉泉，玉石之精液也。山海經密山出丹水，中多玉膏。其源沸湯，黃帝是食。十洲記瀛洲玉石高千丈，出泉如酒味，耳名玉醴泉，食之長生。又方丈洲有玉石泉。崑崙山有玉水，尹子曰：凡水方折者有玉。明田藝衡煮泉小品

○續說郭

温井

一名温湯井。四川總志 一名暖水井。九江府志





温井

火井東五六尺有湯井廣輪與火井相狀勢熱又同以中內之則不然明陳角謨駢志

玉蝶泉在颯輪峰西垂二口貯泉至今一冷一温又

名陰陽井金壇縣志

温井在龍岡縣西三十里於乙洞周二十餘步水極温鹹其西十餘步又有泉周四尺微温且鹹又其西有冷泉周三尺至鹹而深咫尺之間温冷迥殊東國輿地

勝覽

温湯井治東北五十里井有三水杉木栢木龍馬閑

煎輸課四川總志

温井治南其水冬夏常温同上

暖水井在橫山湖東四時有泉温煖可掬九江府志

酒井

庶物類纂卷之三

酒井

衛青破月支月支有井色如酒目名酒井羊頭山記

天文  
中記

文君井治南半里漢卓王孫女文君所鑿水有酒味

四川  
總志


酒井本朝曹媪者賣酒有道人素飲不厭目與藥一  
丸云投井得酒媪如其言井水皆香成酒後道人復  
至媪言第無糟飼豕爾道人厭之復與一丸投之井

皆水湖廣  
總志


庶物類纂卷之三

水屬 酒井

博物類纂



水井



博物類纂

水屬

水井

一



冰井

杜陽編陵臺冰井六月猶冰

明馮應京月令廣義

井有異常者若火井粉井雲井風井鹽井膠井不可

枚舉而冰井則又純陰之寒互也皆宜知之

明田藝衡煮泉

小品。說郛

載延之西征記凌雲臺有冰井延之六月持去經日

其冰猶堅

明彭大翼山堂肆考

梧州府蒼梧縣東門外有冰井南對火山唐大曆三年經畧使元結飲之其冽作漫泉銘有火山無火冰

庶物類纂卷之三

井無冰之句宋紹興間知州任詔砌為双井至今一  
清一濁皆深可六七尺同上

輿地記曰藍田縣玉案山有井水落井中輒作冰長

安不藏冰於此井取之淵鑑類函

冰井城南記在長安城南八十里太乙玉案山有詩

云霧簷玉案射波瀾石井冰凝六月寒其井深數丈

水落井中結冰經暑不消長安不藏冰每夏於此井

取冰謂之冰井長安縣志

粉井

庶物類纂

卷之三

水屬

粉井

庶物類纂卷之三

粉井

臨邛有粉井得水汰粉則益光

晉郭義恭廣志○說郛

城西清水穴亦名粉水井巴人以為粉則膏膩鮮明

昇建銀輝館于側署官掌之以供公用日給數定于

官內號其官為花粉御史

孔通雲蕉館紀談○續說郛

粉水出房陵永清谷取其水以漬粉即鮮潔有異於

常謂之粉水

梁任昉述異記○說郛


巴縣有清水穴巴人以此水為粉則膏暉鮮芳貢粉

京師曰名粉水故世謂江州墮林粉也


華陽國志筑陽縣

庶物類考

粉水源出房陵取其水為粉鮮潔異於餘水荆州蕭  
何夫人漬粉處也南雍州記○明  
陳耀文天中記



浪井



庶物類考

水屬

浪井



唐物類彙編卷之三



浪井

湓城灌嬰所築建安中孫權經此城自標井地令人  
 掘之正得故井有石銘云漢六年穎陰侯所開卜云  
 三百年當塞塞後不滿百年當為應運者所開權見  
 銘欣悅以為已瑞時咸異之井甚深大江有風浪此  
 井輒動土人呼為浪井晉張僧鑿潯陽記○說郛  
 典畧曰浪井者不鑿自成之井太平御覽  
 孫氏瑞應圖曰王者清淨則浪井出有仙人主之上同  
 典畧曰浪井不鑿而成孫氏瑞圖曰浪井不鑿而成

蘇物類彙編卷之三

水屬

浪井

二

者清淨則水流有仙人至或云神鼎丹醮醴泉浪井  
為大瑞宋孔侯白


灌嬰所開井極深邦人謂之浪井溢江有風浪井水

輒動明陳繼儒珍

瑞應圖曰王者清淨則浪井出浪井不鑿自成也。淵鑑類函

天井

庶物類纂卷之三



天井

井一有水一無水為濁洿爾雅

山海經云天井夏有水冬無水即此類也晉郭璞爾雅註

天井坊在布政司右舊名通湖坊今廢其對山有天

井按臨安舊志所載城中之井自相國而下有名者

六十自吳山而下有名者三十有一初無天井之名

獨於黑龍潭云在室月山一名天井山天晴則潭水

碧色有雨則先期變黑蓋指黑龍潭為天井也嘉泰

二年清河坊大火郡守下常任行視火場得潭井干

庶物類纂卷之三

水屬

天井

二

御史臺西小巷中深五十餘尺廣十餘尺淘斃清潔  
甘泉迸盈得建炎錢數十枚其埋塞必在建炎後也

錢塘田汝成  
西湖遊覽志

荊州記云江陵縣東北有天井臺東臨天井井周迴  
二里許中有潛室人時見之輒有兵寇

水經注曰華山中路名天井終容人行迂迴頓曲而

上可高六丈餘山上有微涓細水流入井中亦不露

人出井望空視明如在室窺窗

淵鑑類函

天井任臣案爾雅井一有水一無水為澗洿注云即

天井類也刑昺疏曰非人為之者曰天井荊州記云

江陵縣有天井臺東臨天井井周二里許中有潛室

人時見之輒有兵疫魚豢典畧曰浪井者勿鑿而成

皆斯類又孫子地治曰天井此兵法家言也非此

任臣山海經廣注


天井縣東六十里竹山東畔深尺許泉從石孔出民

引灌田傳有尚書居此忽地出一笋截去泉沸以磨


壓之泉從磨眼出甚美邑人張應觀詩見藝文

高淳縣志

庶物類集 卷三十三



雲井




庶物類集 卷三十三

水屬


雲井

一




雲井

洞冥記曰長安東七萬里有雲山山頭有井雲從中  
 出若土德王則黃雲出火德王則赤雲出水德王則  
 黑雲出金德王則白雲出木德王則青雲出淵鑑類函  
 雲井在黃山嶺每歲雲出則雨收則霽東飛則雨緩  
 西飛則雨速故名雲井農家恒以為占安卿縣志  
 陰晴井井上有雲則雨無雲則晴湖廣總志




風井



水屬

風井

一



風井

荊州記宜都佷山風穴口大數尺名曰風井夏則風  
 出冬則風入暑月甚寒春秋分甚靜明馮應京月令廣義  
 荊州記宜都佷山縣山上有風穴張口大數尺名曰  
 風井夏出冬入風出之時吹拂左右常淨如揮暑月  
 經之凜然有衣裘想明陳希顏事言要文集



響井

水屬

響井

響井

江寧縣陶吳鎮西北二百餘步響井闌尚存元祐五年四字或紗帛蒙其上以物擊之或作鼓聲或以瓦石投其中則作鐘磬聲

明陳眉公太平清話○秘笈

響井在縣陶吳鎮西北石欄上有元祐五年四字或以紗帛蒙其上以物擊之則作鼓聲或以瓦石投其中則作鐘磬聲故名響井

江寧縣志

響井州北街傍有石巖汲水必響如鼓故名

湖廣總志

庶物類聚卷之三

沸井

一名沸潭  
異

庶物類聚卷之三

水屬

沸井

沸井

句容縣有延陵季子廟前井及瀆恒自涌沸故曰

沸井於今猶然亦曰沸潭宋劉敬叔異苑○說郛

風篁嶺石竇一泓清澈翠寒甘美可愛久旱不涸石

上流水處其色如丹遊者視久水輒溢人去即減其

深不可測武林舊事○明閔文振異物彙苑

丹陽縣南井有四二清二濁勝湧滾沸晝夜不絕又

有雙井南者赤北者黃明陳希顏事言要文集

武昌縣浪花井在大洪山南塔下名曰無影塔水常

沸湧如浪清來元成博學彙書

方輿勝覽曰沸井在州西百步郭璞筮云歷陽井當

沸即此淵鑑類函

九井

廣雅釋詁卷之三

九井

隋郡北界有九井相傳神農既育九井自穿又云浚  
一井則衆井水皆動晉盛弘之荊州記○說郛

漢西山有九井井中常出五色烟高數丈傳云昔人  
有繩入得數斛空書梁任昉述異記○說郛

神農造井井有九所汲一井餘井悉動在鄧州宋孔  
侯白

九井邑縣南十八里曰瀨鄉有老子廟中九井或云  
每汲一井而八井水俱動明陳繼儒珍  
珠船○秘笈

馬物類彙編卷之三十三 水屬 九井 二

盛弘之荊州記隋郡北界有厲卿村村南有重山山下有一穴父老相傳神農所生地中有九井汲一井餘井水皆動後人即以此為神農社歲祠之

明彭大翼山堂

肆考

九井巖巖巔有泉如井者九清微映星漢汲一則八井俱動想一脉也

新都吳斌武庚游記○續說郛

羅裳山有龍湫六井或在高原或在平田相去半里計而泉脉貫通汲一井則五井皆動方知神農時九井自穿汲一井則八井皆動不獨路史所載為然矣

閩書

三井在鼓樓東街之北井口一石而三眼故名


汴京遺蹟

志

九井厲山盛弘之曰陪之北界重山二穴神農所育九井自穿汲其一八井皆動荊州記云山有二穴神農所生人號神農洞即神農社

湖廣總志

庶物類纂  
卷三十三



海井

庶物類纂

水屬

海井

一



海井

癸辛雜識曰華亭縣市中有一物如小桶無底非竹非木非金非石忽遇海船老商見之曰此至寶也名曰海井凡航海者必載淡水自隨今得此但以大器滿貯海水置此井於水中汲之皆甘泉矣急買之去

洲鑑類函

華亭市中小常賣鋪有一物如桶而無底非木非竹非鉄非石既不知其名亦不知何用凡數年無遺而問之者一日有海船老高見之駭愕有喜色撫弄不

已叩其所直其人亦黠駟意老商必有所用漫索其  
 直三百緡高喜償之三之二遂取付之駟曰叩曰某  
 實不識為何物今已成買勢無悔理幸以告我商曰  
 此至寶也其名曰海井尋常航海必須載淡水自隨  
 今但以大器滿貯海水置此井於中汲之皆耳泉也  
 平生聞名于番賈而未嘗遇今倖得之志雅堂棟鈔  
 按范石湖集載海中大奠髓有竅吸海水噴從竅出  
 則皆淡疑海井即此奠腦骨也舊志○松江府志  
 機謹按雖此非諸井之屬海井之名載于群籍故

錄備考索

水屬 海井 三

庶物類纂  
卷三十三

